





S. VIII. 33.



54  
In Obitum

*Doctissimi & humanissimi juvenis*

MARTINI  
RICCII,

*Reverendi & Doctissimi Viri,*

Dn. M. IOACHIMI RICCII,  
Pastoris & Præpositi Gartzensis Eccle-  
siæ Senioris, de Ecclesia Dei benè meriti, fi-  
lij dilecti, qui piè & placidè Pasevvalci in CHRI-  
STO vitam posuit Anno 1620, die 3. Maij inter ho-  
ram 4 & 5. matutinam, dum vixerat annos  
27. Menses 6. Dies 3. Horas 4.

Nænia apposita

M. LAURENTIO SCHLUTERO,  
Ecclesiastæ Pasevvalcensi ad  
D. Mariæ ædem

*Affinitatis & condolentiæ ergò*

Typis Rhetianis per  
Iohannem Christophorum Landrachtingerum

ANNO 1620.





Uam subito marcet roseus flos, falce resectus,  
Tàm subito marcet floridus ore color:  
Heu RICCI MARTINE tuo documenta de-  
(disti

Discessu, cuius florida membra jacent.

Nam Lachesis tristis florem cum flore iuventa  
Incidit, subito floris honos abiit.

Quæ coram tecum ex sacris sum verba locutus:  
Firmabant sanctam verba beata fidem.

In CHRISTO IESU spes & tua vita vigeat;  
Est Cœna Sacra sic satiata fames.

Ad cœnam magnam properabas, CHRISTUS in aulâ  
Cœlesti excepit non dubitante fide.

Sit licet auditus tardus, gravis atq; loquela,  
Attamen intus erat Spiritus ille Dei.

Salvificum CHRISTI vivum solatia Verbum  
Dat, sanat, curat, vulnera dira necis.

Ad fontes sacros properabas! CHRISTUS IESUS  
Fons sacer, en vivis, te refocillat aquis.

Ipsè Deus præsens suscepit vota precesq;:

Raucâq; cum gemitu vox geminabat Amen.

Sic abiens; placidus comprescit somnus ocellos:


Iam CHRISTUS vitâ te meliore beat,

Sistite



*Sistite vos lachrymas fraterq; sororq; parentes:  
Condite reliquias, pallida membra, precor.  
Condita quæ terris pasim sunt semina surgunt:  
Surgent extremo sic sata membra die.  
Me juvat Elysij ævum traducere campis:  
Me juvat excelsum concelebrare Deum.  
Felices animæ nimium! laudate IEHOVAM  
Cantabo Domino cantica grata Deo,  
In verâ sede patriâ, promissaq; regna,  
Occupo pars melior, gloria CHRISTE tibi,  
Quid juvat in longas vitam traducere curas?  
Quid juvat? heu nullos mors remorata venit:  
Illa manet juvenes, doctos, manet illa Tyrannos,  
Illa manet pueros, & manet illa senes.  
Tu Genitor, Genitrix cari, fratresq; sorores  
Vivite, vos omnes fata propinqua manent:  
Stamina maturo devolvit pollice Clotho:  
Omnia parca ferox sub pede Parca terit.  
Tuq; ARNSTORFIADUM domus & generosa propago,  
GARZIA culta vale! Patria terra vale.  
Care Deo Martine vale: Parnasides udis  
Ad tumulum lachrymis Pallas & ipsa gemunt.  
Ast vos Garzenses, quorum est in pectore virtus,  
Ferte rosas tumulo, ferte rosas, violas.  
Tu quoq; qui transis, dic paucis: molliter hujus  
Ossa cubent, summo glorificanda die.*





## Dialogus Funebriſ

*Reverendi Clariſſimi & Doctiſſimi Viri*  
Dni. M. IOACHIMI RICCI,  
Paſtoris & præpoſiti Gartzenſis,

*Cum Filio ſuo dilectiſſ.*

Dno. MARTINO RICCIO,

S. S. Theologiæ Candidato, anno *1620* *noviſſ.*

1620. 13. Maij hora 5. matut. Paſſevvalci placide,  
in vera Chriſti agnitione denato.

**P** Sunt Bona mixta malis: ſunt lætis Triftia mixta;  
Depluit Uda dies, quæ modo ſuda fuit.

Res patet exemplo: primo dum forte jugales

Gnato orno thalamos, ecce ſecundus obit!

Uſq; adeò humani ſtabile eſt nihil, atq; ſecundum,  
IMMITTIT Lætis, TRISTIA FATA Deus,

**F** Rectè chare Pater ſentis: ſic ſenſit Hiobus,

In mundo fiunt cuncta volente Deo.

Ut Domino placuit factum eſt: hic triftia lætis

Miſcet: pro arbitrio datq; rapitq; ſuo.

**P** Tunc es qui loqueris mecum dulciſſime fili

MARTINE? ò animæ mortua vita meæ;

Tunc jacens vivis? Tunc audis quæ tibi juſta,

Et quas exequias jam paro, Nate, vides?

**F** Mente quidem vivo, Genitor, non corpore vivo

Nec vivo mundo, ſed tibi, Chriſte Deus.

**P** Ah brevis in terris nimium tibi vivere vita

Eſt data, nam corpus ceu roſa verna cadit

Occidis



Occidis in quinto Lustro flos ipse iuventæ,  
 Martine ô animæ portio magna meæ,  
 Dignus eras equidem, mi fili, heic vivere plures  
 Annos: Spes de Te non mihi parva fuit.  
 Esse putabaris sacras tu natus ad artes:  
 Atq; secuturus fortè Parentis iter,  
 Sed spes vitæ ex spes! nulla est fiducia rebus  
 Humanis: morimur, vivere ut incipimus,  
 Ut cita fertur avis, vel telum missile in auras,  
 Sic fugit ex oculis, qui modo vixit homo.  
**F** Chære Pater, cuiq; est mensis fatalis, & annus  
 Pendet ab arbitrio vitæq; morsq; Dei,  
 Nemo suæ vitæ potis est producere metas,  
 Nec mortis poterit quis revocare gradum.  
 Quis vixit, cui non casses Proserpina tendit?  
 Cui CLOTHO & LACHESIS parcere visa fuit?  
 Nulli: mista senum ac juvenum sunt funera, morbos  
 Illa ætas veteres, parturit hæcce novos.  
 Me, cum vernavit primæ lanuginis ætas,  
 Mors rapit ante diem, non tamen ante diem.  
**P** Nonne tuum citius poteras mihi scribere morbum,  
 Præstaret medicus doctus ut artis opus?  
 Sæpè videmus enim medicâ ratione levâri  
 Egrotos, nimium nî invaluere mala.  
**F** Non est in medico semper relevetur ut æger,  
 Naso ait, interdum plus valet arte malum:  
 Finis ubi vitæ est, posuit quem conditor ipse,  
 Quod quem sanaret, non medicamen erit.  
 Frustra est, si Pæon, Palaræus Apollo, Machaon,  
 Dent herbas, flores, vel si Epidaurus aquas.  
**P** Ah modo maternis cecidisses (desleo) in ulnis,  
 Ah modo clausisset patria dextra oculos!



Ah te vidissent fratres, caræq; sorores,  
 Quæ te jam lugent, fletibus ora rigant.  
**F** Dulce quidem fateor; Pater ô Reverende; fuisset,  
 In vestro amplexu colloquioq; mori.  
 Sed quid tum? FATO Parendum est: irritus ergo  
 Luctus: Sat sit quod me tua buïta regant.  
 Vos mea ne nimium doceatis fata Parentes,  
 Nil possunt lachrymæ, nec revocant homines,  
 Non vester perij, ast antè jvi filius: ortum  
 Qui trahitè cælis, ille perire nequit.  
 „ Credite, qui juvenis moritur, mala plurima nescit,  
 „ Cogitur EMERITUS qualia ferre SENEX,  
 Vita pijs brevior solet esse, ac evocat orbe  
 Quos amat, ad sese conditor ipse Deus,  
 Defuncti lætam vivunt sine turbine Vitam,  
 Ast vivos vexant multa pericla viros!  
 Ergò Deo grates fundo, quod pace quiesco,  
 Quod mihi devictâ morte triumphus adest.  
 AVOCOR: his, mi chare pater, materq; sororesq;  
 Et trini fratres; tu quoq; Garta vale.  
**P** Vera refers fili, verbis his gnate quiesco:  
 Spero brevi tecum cælica regna colam,  
 Dissolvi cupio: Ingrato non vivere mundo,  
 In quo non pietas ulla, nec ulla fides.  
 In quo vita nihil, nisi duri plena laboris,  
 In quo MARS sævo nunc furit ense ferus.  
 In quo conspirant Boreas, Eurusq;, Notusq;  
 Cum Zephyro; non spes, nilq; videtur opis,  
 Christe veni, mundi; tuum duc carcere servum  
 Ad cælum: propera: Spes mea Christe veni.  
 Interea MARTINE VALE, novus incolâ cæli,  
 Inq; meo busto molliter usq; cuba.

Hasq;



Hasq; meas lachrymas tecum, peto defode in Urnâ,  
Hæ patrij signum & tessera amoris erunt.

*Condolentie, consolationis & debiti fraternitatis  
officij ergò, raptim ipso die sepultura,  
fundebat,*

Ernestus Neomannus Pastor  
Brausenfeldensis & Mörvitzensis.

=====

ELEGIA LAMENTATORIA ET CONSOLATORIA  
*in prematurum obitum Doctiss. juvenis*

VIRI

Dn. MARTINI RICCI,

*Reverendi & eruditissimi Viri,*

Dn. M. IOACHIMI RICCI

Pastoris Ecclesiæ Gartzensis, & vicinarum inspectoris,

Filij longè charissimi, die 13. Maji Pascevalci defuncti,

& ejusdem mensis die 18. Gartziæ sepulti; quâ

elegiâ mœstus pater defunctum filium allo-

quitur, & sic farier infir:

**C**Ur querar, aut plangam, quæris charissime Fili?

Nonne gravis planctus Mors tua causa mihi est?

Eriperis mihi quod medio sub flore juventæ,

Qui mihi grandævo mite levamen eras.

Vix ascriptus eras Doctis, qui principe CHRISTO,

Ad cœlum monstrant, verbum, iter atquè docent:

Cum te Mors rapit, & vitæ tibi denegat usum,

Quæ properat celeri Mors inopia gradu.

Quæ mihi te decuit digitis occludere patri,

Hæc absens nato claudere non potui.

Cum



Cum tu debueris funtis mihi iure parare;  
Funeris à me nunc pompa paranda tibi est.  
Non adeò, FILLI, lugerem funera, chore  
Non MARTINE adeò MORS mihi dura foret;  
Si modò, dum moreis, licuisset adesse parumper,  
Extremumquè tibi dicere voce vale.  
Ast placuit summo sic Patri, ut morte vocaret  
TE, ME abiente patre; Sic pater ipse fuit,  
Ipse fuit, manet, atquè erit is, qui fletibus hisce  
Imponet finem, quando redibit Abas.  
Cumq; mihi verè sit spes immota, quod ambos  
Æthereo junget vita beata polo:  
Indulgebo minus lachrymis, saltemq; precabor:  
Spiritus & cineri pax sit, & alma quies.

Chronodistichon, in quo annus mundi, mensis & dies  
obitus nomenquè defuncti continetur.

MaIVS tres soLes, MartInVs RIICCIVSorbe  
CVM perIt. InDignè, seCerat atqVè DeCeM.

Annus Christi

AMhros IVs FabrIC IVs

Senlor sVbDlt.





921116 **Bibliotheca** 105 000  
**P.P. Camaldulensium in Bielany**

Depozyt w Bibliotece Jagiellońskiej



06393

S.VIII.33



